



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : S.K.H. TSANG SHIU TIM SECONDARY SCHOOL
學校名稱 : 聖公會曾肇添中學
Name of Play 劇名 : 靈售店
Script writer 劇作者 : 集體創作

Synopsis 故事大綱：

假若你可以與別人交換人生，你想跟誰交換？

這是一個售買靈魂的店鋪，迷途的人造訪這裏，他們有著不一樣的命運，有人名利雙收，

有人出類拔萃，亦有人浪跡天涯；但，他們都不約而同地渴望著一個改變人生的機會。

在靈售店的規則下，他們能否藉著機會，活出真正的自己呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 少年的煩惱

(煩惱的少年對著電腦打字)

少年： 「我對呢個世界冇曬希望，我唔知道我嘅將來仲可以點，我想離開呢個人生，有冇人可以幫到我」

(少年嘆氣，等留言，很多加油，撐你等)

少年： 我已經加咗好多油啦，全香港冇油加啦！呢幾年我日日都撐，我仲要撐幾耐呀，我撐唔住啊。

少年： 靈售店老闆，「(老闆讀) 年輕人你太年輕啦，咁輕易就想死，我有個唔使死嘅方法，又可以脫離你呢個人生，你揸呢條 link 就可以即刻感受下！」

少年： 你係咪網上騙案？我唔玩 **Tinder** 㗎嗎！條 **Link** 係咪有毒㗎？

老闆： 不要問！只要信！機會係留比有信念嘅人！...你原本都想死㗎喇，使乜驚咩病毒啊！

少年：你又啱，橫死慳死，我有野好驚！

老闆： 咁你一於揸入嚟安心咁玩啦！

(少年按下 link)

(鋼琴聲)

老闆： 歡迎歡迎，埋黎睇吓，等我介紹，大把著數，搵你心水，唔揀我呀，求下你呀，睇真啲先！

老闆： 如果你可以同其他人交換人生，你想成為邊個？(停，等音樂，眾人做職業動作) 呢度，係一間售買靈魂嘅鋪頭，每個人嘅人生好似一本書(老闆拿出書) 佢地有唔同嘅命運，有啲人又出名又有錢，有人出類拔萃，亦有人浪跡天涯。每本書都係獨一無二嘅，而入面嘅主角都唔想繼續扮演呢個角色，所以呢啲書會出現係呢度。小小溫馨提示，每個嚟到靈售店嘅人都只有一次機會去交換自己嘅人生。記住揀清楚先好交換。

少年： 呢個係咪 **VR**，我係咪進入咗 **metaverse** 嘅世界？信唔過嘅！都係唔玩啦。**Sorry** 啊，你搵過第二個啦，走先啦，係咁先啦，下次再玩喇！(撞牆 x2) 喂，點解出唔到去嘅？點離開呢度？

老闆： 你入得嚟，就唔會咁輕易俾你走。安心嗎！你話你唔滿意嘅人生呀嘛，你望吓，我呢度大把人生你揀。

少年： 唔係囉，比我出返去啦！

老闆： 你出到去就要繼續你原本嘅人生㗎喇，唔通你好滿意咩？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

少年：（激動）點會啊，我一出返去就想死！

老闆：咪係囉，你留喺呢度，唔使死，仲有選擇嘅權利。

少年：即係我有得揀？係咪真㗎？我就係出面咩都有得揀，冇晒所有權利，老闆你真係畀我有選擇嘅權利呀？

老闆：梗係有得你揀，你開啲條件出嚟，你想點？我俾啲 **choice** 你！做人最緊要有 **choice**。

少年：我想做靚仔呀，我阿媽生得我咁樣衰！如果變咗靚仔係咪所有問題都解決到？

老闆：膚淺！不過呢啲我大把貨！我就搵一個又靚仔又大隻嘅！一定啱你心水！隆重介紹，雲也可以變大力！大力雲！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 大力雲（雲也可以變大力）

大力雲： Hello everybody! 我由細到大，一直都玩開 hip hop, rap, jazz. 我創作嘅每首情歌都感動人心。其實老實講句成個國家有邊個唔識我啊。即係唔到我自己唔覺得自己好成功。我人氣又有，唱功又有，仲有一個幸福家庭。宜家嘅生活我好開心，唱下歌生活無憂無慮幾好啊。有子女又有女人緣。我好錫我啲子女 同老婆，我今生就係佢咁嘅。之前嘅訪問我都講過，我唔係一個花心嘅人，我覺得花心的人都幾蠢嘅添。咁我想借呢個機會，送呢首歌俾我唯一嘅老婆。

大力雲： BABY 你就是我的唯一 兩個世界都變心回去談何容易 確定你就是我的唯一獨自對著電話說我愛你 我真的愛你 BABY 我已不能多愛你一些

雷神： （——千字文）

網民： 負評 emoji 及評論

（大力雲害怕/傷心/焦慮/情緒複雜地唱完）

（大力雲重新唱）

（大力雲在極度恐慌下想到辦法）

大力雲： 兩田衣申子！你有千字文！我有一千蚊！

（大力雲灑錢）

網民： 正評 emoji 及評論

（力雲開心勝利地唱）

雷神： （買 like post）

（大力雲除眼鏡）

網民： 極度負評 emoji 及評論

（support 佢啲人係請返嚟㗎，我上網睇過，一粒鐘¥ 500...）

（大力雲生氣地唱）

（大力雲掙咪，企起身，除衫，羞恥地走）

老闆： 係咪正呀！靚仔嘅嘅人生幾咁精彩，峰迴路轉，好睇過 TBB 啦！

少年： 渣男㗎，咁我寧願樣衰啦！有冇啲樣靚又有人格㗎？好似我偶像 KOALA 咁。

老闆： KOALA？識野！係我地嘅珍藏！隆重介紹，《KOALA IS EVERYONE'S LOVE》！熱烈歡迎我地嘅國民初戀，KOALA。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三場 KOALA (KOALA IS EVERYONE'S LOVE)

(Fans 尖叫)

(KOALA 跳舞)

(KOALA 跳完舞，坐回鏡頭前)

All 粉絲： 哇！係 KOALA LIVE CHAT 啊！

粉絲 Yoyo： Oh my god！KOALA 你真係好靚女呀，皮膚又白，腳又長！你負責個個漢堡包嘅廣告呢，我睇完之後，即刻去食咗十幾廿個啊！

粉絲 Sera： KOALA，我真係好鍾意你㗎！我成個星期冇瞓覺，只係想送呢到一千隻紙鶴俾你。我嘅心願，就係想繼續睇你跳舞。

(KOALA 聽到敲門聲，不斷回頭)

粉絲 Vienna： 我好鍾意你㗎！你每場演唱會我都有睇㗎，你所有專輯，周邊，海報我都有買㗎。少年：你新出個首歌真係好好聽呀，你真係我嘅偶像呀！

KOALA： 等陣先，有人敲門。

(KOALA 開門，瘋狂粉絲衝入門)

粉絲 Kayden： (大叫) KOALA！我係你瘋狂 Fans！！我為咗呢份禮物，食咗成個月杯麵，但係可以親自送份禮物上門比你！一切都值得嘅！

(瘋狂粉絲衝到鏡頭前)

瘋狂粉絲： Yeah！我成功上到 KOALA 屋企！我先係瘋狂粉絲世一！！！！

KOALA： 唔好意思呀，今次直播就去到呢度啦，Byebye!

(KOALA 關機，再馬上再開，記者會)

譚記者： KOALA，點解前幾日見到你係某大姓男星嘅住所走出嚟嘅？你哋之前喺入邊做咗啲咩啊？

(KOALA 每一條問題，加一樣東西上身，黑超，口罩，Scarf，hat，想保著私隱)

王記者： 係囉，佢最近被老婆爆料婚內出軌，性成癮，扮係愛老婆嘅好男人又喺出邊搵女人，究竟你哋有咩關係啊？其實你係咪佢嘅小三啊？

溫記者： 網上流傳嗰張你又肥又啞牙嘅相，係係真㗎？你係咪整過容呀？

蔡記者： 你同 Kangaroo 係唔係有矛盾？佢係 FG 度開 post 鬧你㗎，佢話你雙面人㗎，你會唔會反擊啊。你地之前唔係好 friend 架咩，扮架咋？唔出聲即係認啦。